

滋腎丸

壯水制火

黃栢

三兩酒伴陰乾

知母

二兩同上

肉桂

一錢半

右二味氣味俱陰以同腎氣故能補腎而瀉下焦火也桂與火同體故曰熱因熱用凡諸病在下焦皆不渴煉蜜爲丸服

玄明粉

此藥大治上焦火邪膈上痰火臟腑秘塞燥渴能流濕潤燥以朴硝煎過澄清五次至夜于星月下露至天明自然結作清白塊磁礮

按實于炭火上從慢至緊自然成汁煎沸直
候不響再加頂火一煨便取出于淨地下上
用盆合蓋了以去火毒然後研爲細末每二
斤入甘草生熟二兩爲末一處攪勻臨臥酌
量用之或一二錢以桃仁湯或葱湯下

局方妙香丸

解五臟潮熱積熱大治時疫傷

寒及小兒驚症功在開痰降火

巴豆

淨肉一百二十個

牛黃

片腦

膩粉

射香

各七錢半

辰砂

兩

金箔

九十片

右研極細末、煉蠟六兩入蜜七錢半、同煉令
勻、每兩三十丸、每服一丸、小兒菉豆大二丸
白湯下

腎虛火不歸經

腎虛火不歸經、遊行于外、而發熱者、煩渴引飲、
遍舌生瘡、兩唇黑裂、喉間如烟、火上攻、兩足心
如烙、痰涎湧盛、喘急、脉洪大而數、無倫按之微
弱者、是也、宜十全大補吞八味丸、或問燥熱如
此、復投桂附、不以火濟火乎、曰、龍雷之火、在人

伏于腎中。因嗜慾陰虛而妄行。故有以上諸症。桂附與火同氣也。擬其窟宅而招之。同氣相求。火必下降矣。人間之火。可以濕伏。可以水折。龍雷之火。見水益熾。天陰轉燔。太陽一照。火自尋滅。人之相火似之。故腎虛火不歸經。口破煩熱。必用八味丸是也。蜀中火井。投以水卽熾。以灰撲卽止。

醫按載一七十九歲翁。與少妾入房。致頭痛發熱。眩暈喘急。痰涎湧盛。小便頻數。口乾引飲。遍

舌生刺、縮斂如荔枝然、下唇黑裂而目俱赤、煩躁不寐、或時喉間如烟火上衝、急飲凉水少解、已瀕于死、脉大無倫、且有力、捫其身、烙手、此腎經虛火遊行于外、若誤作傷寒治、必死、乃以十全大補、加山茱萸、山藥、牡丹皮、澤瀉、麥門冬、五味子、附子、一鍾熟寐、良久脉症俱減、三四再與八味丸服之、諸症悉已、後畏冷物而痊、

大尹沈用之、不時發熱、日飲冰水數碗、寒藥屢進、熱渴益甚、形體日瘦、尺脉洪大而數、時或無

力 王太僕曰、熱之不熱、責其無火、寒之不寒、責其無水、法當補腎、加減八味丸、不月而愈、一人年四十六歲、仲夏過慾、煩熱作渴、飲水不絕、小便淋瀝、大便秘結、唾痰如湧、面目俱赤、滿舌生刺、兩舌燥裂、通身發熱、或時如芒刺而無定處、兩足心如烙、以冰折之則痛、脉洪大無倫、以腎陰虛、陽無所附、浮散于外、非火也、蓋大熱而甚、寒之不寒、是無水也、當峻補其陰、遂以八味丸料一斤、肉桂一兩、以水頓煎六碗、水冷與

飲半餉已用大半睡覺而食溫粥二碗諸症悉退翌日畏寒足冷至膝諸症仍至或以爲傷寒余曰非也大寒而甚熱之不熱是無火也陽氣亦虛矣急以八味丸一劑服之稍安四劑諸症復退大便至十三日不通以猪膽導之諸症復作急用十全大補湯數劑方痊

暑

體虛衝斥道途忽然暈倒脉微而虛或浮大而散或伏外症自汗身熱微煩渴爲中暑亦名中暍脉虛身熱得之傷暑暑傷于氣所以脉虛也脉虛大身大熱躁煩大渴汗大泄倦怠爲傷暑暑傷肺宜人參石膏湯解之汗少加蒼朮小水不利煩渴身熱者辰砂六一散解暑聖藥也惡心吐瀉煩渴脉虛者宜消暑分利黃連香薷飲對五苓散

脉虛倦怠食不甘爲熱傷胃氣宜補中益氣對
生脉散升麻柴胡俱用蜜炒果勞碌受暑加香
薷黃連

按香薷味辛淡辛能發散淡能滲泄乃夏月解
表利水之劑果身熱煩躁嘔吐小便不利者君
黃連以解暑靡不應手獲効若氣虛胃弱之人
食少體倦自當多服參芪豈可堪此發泄苟誤
用之是虛其虛也今人不分虛實當不夏月少
有不快一槩用之醫家往往爲臆所謂訛上傳

訛也。因表而出之，以爲重生者勸。

薛帥曰：香薷飲乃散陽氣、導真陰之劑也。須密有傷暑症而服，有何患哉？若元氣素弱，或犯房過勞而飲之，適所以招禍也。

戴氏曰：暑有冒、有傷、有中，三者輕重之分。或腹痛水瀉者，胃與大腸受之，惡心者，胃口有痰飲。二者冒暑也，可用黃連香薷飲。黃連退熱，香薷消暑。或身熱頭疼、躁亂不寧，或身如針刺，此爲熱傷在肉分也，當以解暑白虎湯加柴胡，氣虛

加人參、或咳嗽、發寒熱、盜汗不止、脈微者、熱在肺經、火乘金、爲中暑、宜清肺湯、柴胡天水散之、類急治則可、古方治暑風、用蘇合丸、大非、

暑風

夏月卒倒、不省人事、爲暑風、其因有二、有相火合暑邪、內外炎灼而卒倒者、有暑氣入而鼓激痰飲、塞碍心竅、則手足不知、動攝而卒倒者、皆可用吐法、卽內經火鬱發之之義、吐醒後方可用消暑之劑調之、亦有虛而不可吐者、清暑用

黃連香薷飲、增減或辰砂益元散、亦有挾食挾
氣而致者、宜詳審、小兒多驚痰與食滯、詳脉症
爲主、惟脉虛者、方可作暑治、

暑風卒倒

暑中人、先入心、各從其類也、一時昏迷、切不可
飲冷水、并臥濕地、其法先以熱湯灌之、或童子
小便亦可、更以布蘸湯熨臍、并氣海、續續令暖、
氣透徹臍腹、候醒、然後進藥、若途中卒然暈倒、
急扶陰處、搦道上、熱土作窩于臍中、令人尿其

內卽醒却灌人尿或攪地漿水飲之半碗或車
輪上土五錢冷水調澄清服亦妙

辛苦役作市井人日間冒熱經營夜間露臥或
開窗取涼而病頭疼寒熱卽同非時暴感若作
癰狀者六和湯加減或鼻流清涕出熱氣者六
和湯加川芎羌活黃芪一方用大蒜三兩瓣
細嚼溫湯下禁冷水遠行受暑閉住汗孔急
取熱湯嚼生蒜三四瓣妙無病之人避暑深
堂水閣內食水果輕則霍亂吐瀉重則腹痛厥

逆當從陰症治古方大順散是也

古方清暑益氣湯原爲感長夏濕熱之氣而病者設內有二朮澤瀉黃栢是滲濕清熱也不可不知

夏月無病只宜服補劑以陽氣盡發于外體內虛也惟生脉散加苾朮陳皮炒黃栢煎湯妙切忌發泄

近製清暑益氣湯

人參

白朮

麥門冬

五味子

陳皮

甘草

炙

黃栢

炒

黃芪

蜜炙

當歸身

隨人加減薑棗煎

治暑之法清心利小便黃連香薷飲是也暑

傷氣汗多體倦須補氣

忌分利

行人農夫于日中

勞役得之爲中暍其病必苦頭疼發躁熱惡熱

捫之肌膚大熱大渴引飲汗大泄無氣以動乃

天熱外傷元氣宜益氣清暑十味香薷去厚朴

木瓜加五味石膏知母取涼大過寒熱無汗是

周身陽氣爲寒所遏也當從傷寒治大羌活湯

加減兼內傷水果生冷當溫中發散炮薑硝砂之類

治暑渴方

生地

麥門

牛膝

黃栢

炒

知母

葛根

甘草

水煎服

生脉散

生津止渴夏月攝生者不可少

孫真人曰夏月宜五味以補五臟氣夫夏月

宜補者補天真元氣非補熱火也人參之甘

補元氣瀉熱火麥冬之苦寒補水之源而清
肅肺金五味之鹹酸以滋腎水汗多加黃芪食
少不運加白朮麥芽

人參 麥門冬 五味子

水煎湯代茶

薛氏曰若人元氣不足用白虎香薷等不應宜
補中益氣湯大抵夏月陽氣浮于外陰耗于內
若人勞倦飲食內傷中氣或酷暑勞役外感暑
氣者多患煩熱汗渴倦怠頭暈如有類外感法當